

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 27. Zakona o raseljenim osobama i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije BiH“, broj: 15/05), Uputstva o načinu i procedurama odabira korisnika projekata povratka i rekonstrukcije stambenih jedinica („Službeni glasnik BiH“, broj: 48/06), Federalno ministarstvo raseljenih osoba i izbjeglica objavljuje

JAVNI POZIV

izbjeglicama iz Bosne i Hercegovine, raseljenim licima i povratnicima u Bosni i Hercegovini za obnovu i rekonstrukciju stambenih jedinica za period 2026. i 2027. godine

I

Predmet Javnog poziva

Sufinansiranje i finansiranje obnove i rekonstrukcije stambenih jedinica izbjeglica, raseljenih lica i povratnika na području Bosne i Hercegovine kroz dodjelu jednog od sljedećeg: građevinskog materijala / dodjele finansijskih sredstava za ugradnju građevinskog materijala ili obnove stambenog objekta po principu „ključ u ruke“.

II

Cilj Javnog poziva

Osiguranje uslova za održivi povratak kroz obnovu i rekonstrukciju stambenih jedinica izbjeglica, raseljenih lica i povratnika.

III

Pravo učešća

A) Pravo učešća na Javnom pozivu imaju fizička lica koja ispunjavaju sljedeće opće kriterije:

Opći kriteriji za utvrđivanje potencijalnih korisnika prava pomoći u rekonstrukciji stambenih jedinica su:

1. da je izbjeglica iz Bosne i Hercegovine, raseljeno lice u Bosni i Hercegovini, ili povratnik;
2. da je iskazao namjeru za povratkom;
3. da je utvrđen status vlasništva ili stanarsko pravo nad stambenom jedinicom koja je predmet rekonstrukcije (ukoliko je više nosilaca stanarskog prava, saglasnost svih nosioca stanarskog prava aplikantu za prijavu na Javni poziv) ;
4. da je na dan 30.04.1991. godine imao prebivalište u stambenoj jedinici koja je predmet rekonstrukcije;
5. da se stambena jedinica koja je predmet rekonstrukcije smatra neuvjetnom za stanovanje, u skladu sa odgovarajućim standardima o minimumu stambenih uvjeta;
6. da on i članovi njegovog domaćinstva od 1991. godine nemaju na teritoriji Bosne i Hercegovine drugu stambenu jedinicu koja se smatra uslovnom za stanovanje, u skladu sa odgovarajućim standardima o minimumu stambenih uslova;
7. da nije primio pomoć u rekonstrukciji dovoljnu da zadovolji odgovarajuće standarde o minimumu stambenih uvjeta;
8. Da nije bio korisnik pomoći po javnim pozivima ministarstva posljednjih šest (6) godina

Podnosilac prijave mora ispunjavati **sve uslove** utvrđene općim kriterijima, koji su eliminatorni, kako bi mogao biti uvršten na rang listu potencijalnih korisnika.

B) Posebni kriteriji su:

1. Da aplikant pripada kategoriji manjinskih povratnika u skladu sa Aneksom VII Općeg okvirnog sporazuma za mir u Bosni i Hercegovini – Dejtonski mirovni sporazum (član 1. tačka 3. (d)).
2. Aplikant pripada određenim kategorijama kao što su:
 - a) socijalna kategorija,
 - b) porodice sa više maloljetnih članova domaćinstva,
 - c) povratničke porodice koje imaju djecu upisanu u osnovnu ili srednju školu u mjestu povratka,
 - d) lica sa invaliditetom,
 - e) samohrani roditelji, staratelji ili hranitelji porodice,
 - f) šehidske porodice/porodice poginulih boraca,
 - g) demobilisani borci i dobitnici ratnih priznanja,
 - h) porodice nestalih lica i
 - i) bivši logoraši.
3. Broj i starosna dob članova domaćinstva aplikanta.

IV

A) Dokumentacija potrebna za dokazivanje općih kriterija

A1.) Dokaz o statusu izbjeglice iz Bosne i Hercegovine, raseljenih lica u Bosni i Hercegovini i povratnika

Dokumenti kojima se dokazuje da je aplikant izbjeglica iz Bosne i Hercegovine, raseljeno lice u Bosni i Hercegovini i povratnik je potvrda nadležnog organa o statusu:

- a) izbjeglica iz Bosne i Hercegovine svoj status dokazuje odgovarajućom potvrdom (izbjeglička legitimacija/karton), uvjerenje o statusu izbjeglice iz Bosne i Hercegovine;
- b) raseljeno lice u Bosni i Hercegovini svoj status dokazuje potvrdom/pravosnažnim rješenjem nadležnog organa općine privremenog boravka o statusu raseljene osobe i CIPS potvrdom o prebivalištu izdatom u općini trenutnog boravka/raseljenja;
- c) povratnik svoj status dokazuje potvrdom nadležnog organa općine o statusu povratka i CIPS potvrdom o prebivalištu izdate u mjestu povratka.

A2.) Dokaz o namjeri za povratkom

Izjava aplikanta ovjerena od strane nadležnog organa kojom se dokazuje:

- a) iskazana namjera za povratkom,
- b) da je stambena jedinica koja je predmet rekonstrukcije neuvjetna za stanovanje u skladu sa odgovarajućim standardima o minimumu stambenih uvjeta,
- c) da aplikant i članovi njegovog domaćinstva nemaju na teritoriju BiH drugu stambenu jedinicu koja se smatra uvjetnom za stanovanje, u skladu sa odgovarajućim standardima o minimumu stambenih uvjeta,
- d) da aplikant nije primio pomoć u rekonstrukciji, dovoljnu da zadovolji odgovarajući standard o minimumu stambenih uvjeta.

A3.) Dokaz o vlasništvu/stanarskom pravu

Dokumenti kojim se dokazuje vlasništvo/stanarsko pravo nad stambenom jedinicom koja je predmet rekonstrukcije su:

- a) ZK (zemljišno-knjižni) izvadak
- b) posjedovni list ne stariji od 6 (šest) mjeseci.

A4.) Dokaz o kretanju

Uvjerenjem o kretanju, koje izdaje nadležni organ unutarnjih poslova, podnositelj zahtjeva za rekonstrukciju dokazuje da je na dan 30.04.1991. godine imao prebivalište u stambenoj jedinici koja je predmet rekonstrukcije.

Potrebno je priložiti original uvjerenja o kretanju ili ovjerenu kopiju.

U izuzetnim slučajevima, kada se uvjerenjem o kretanju ne može pouzdano utvrditi prebivalište na dan 30.04.1991. godine, kao dokaz prebivališta pribavlja se izjava dva svjedoka, ovjerena od strane nadležnog organa općine povratka.

B) Dokumentacija potrebna za dokazivanje posebnih kriterija

B1.) Dokaz o starosti i o pripadnosti kategoriji manjinskom povratku

Pripadnost kategoriji manjinskih povratnika i starosna dob dokazuju se ovjerenom kopijom izvoda iz matične knjige rođenih (rodnog lista), ne starijim od 30 dana.

B2.) Dokaz o pripadnosti određenim skupinama

B2a) socijalna kategorija se dokazuje relevantnim dokazima, i to: posljednji ček od penzije, dokaz o nezaposlenosti (potvrda nadležne službe za zapošljavanje za sve punoljetne radno-aktivne članove domaćinstva), dokaz da se radi o korisniku socijalnih davanja od nadležnog centra za socijalni rad ili nadležne općinske/gradske službe za socijalnu i dječiju zaštitu, dokaz da se radi o civilnoj žrtvi rata i da ostvaruje/ne ostvaruje prihode po tom osnovu;

B2b) porodice koje u domaćinstvu imaju više maloljetnih članova domaćinstva, dokazuje se kućnom listom ovjerenom od nadležnog organa, i CIPS potvrdom o prebivalištu/boravištu.

B2c) povratničke porodice koje imaju djecu upisanu u osnovno ili srednje obrazovanje u mjestu povratka dokazuje se Uvjerenjem/Potvrdom o redovnom pohađanju osnovne/srednje škole (original ili ovjerena kopija, ne stariji od 30 dana).

B2d) status lica sa invaliditetom dokazuje se rješenjem koje se pribavlja od strane nadležnog organa (ratni vojni invalid, civilna žrtva rata, lica sa urođenim ili stečenim invaliditetom);

B2e) status samohranog roditelja, staratelja ili hranitelja dokazuje se relevantnim dokazom koji se pribavlja od strane nadležnog centra za socijalni rad ili općinskog/gradskog organa uprave;

B2f) status šehidske porodice/porodice poginulih boraca dokazuje se potvrdom koja se pribavlja od strane nadležnog općinskog/gradskog organa uprave;

B2g) status demobilisanog borca i dobitnika ratnih priznanja dokazuje se potvrdom nadležnog organa ili udruženja;

B2h) status srodnika nestale/ih lica dokazuje se potvrdom koja se pribavlja od strane nadležnog organa;

B2i) status bivšeg logoraša dokazuje se potvrdom koja se pribavlja od strane nadležnog organa ili udruženja logoraša.

B3.) Dokaz o brojnosti porodice

Broj članova domaćinstva i njihova starosna dob dokazuju se kućnom listom, ovjerenom od nadležnog organa.

Uz ovjerenu kućnu listu, podnositelj zahtjeva je dužan priložiti rodne listove za maloljetne članove domaćinstva, a za punoljetne članove original ili ovjerene kopije CIPS-ove potvrde o prebivalištu/boravištu.

V

Način izbora korisnika

Izbor potencijalnih korisnika, po osnovu ovog Javnog poziva, vršit će komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa procedurama za izbor potencijalnih korisnika, te u skladu sa odredbama ovog Javnog poziva.

Komisija zadržava pravo provjere tačnosti podataka iz prijave na Javni poziv, te u slučaju da utvrdi da podaci nisu tačni, predmetnu prijavu odbacit će kao neurednu.

VI

Obrada ličnih podataka podnosioca prijave

Podnošenjem prijave na ovaj javni poziv, podnosilac daje saglasnost Federalnom ministarstvu raseljenih osoba i izbjeglica za obradu svojih ličnih podataka, u skladu sa Zakonom o zaštiti ličnih podataka. Lični podaci se obrađuju isključivo radi provjere ispunjenosti uslova javnog poziva, izrade ugovora, realizacije dodjele pomoći, vođenja evidencije korisnika i izvršenja plaćanja. Podaci se mogu dostaviti trećim stranama samo u okviru zakonskih obaveza. Radi transparentnosti postupka i ostvarivanja prava na žalbu/prigovor po javnom pozivu, minimalno neophodni lični podaci korisnika bit će objavljeni na službenoj internet stranici Ministarstva.

Podnosilac ima pravo da zatraži pristup, ispravku, brisanje ili ograničenje obrade svojih podataka, u skladu sa zakonom.

VII

Objavljivanje rang listi potencijalnih korisnika pomoći

Preliminarna i konačna rang lista, po ovom Javnom pozivu, biće objavljene na službenoj web stranici Federalnog ministarstva raseljenih osoba i izbjeglica (www.fmroi.gov.ba), a informacija o njihovom objavljivanju bit će dostupna i u dnevnom listu u kojem je objavljen ovaj Javni poziv.

VIII

Prijave na Javni poziv

Prijave na Javni poziv, sa pratećom dokumentacijom, dostavljaju se na propisanom Prijavnom obrascu koji je dostupan na internet stranici Ministarstva (www.fmroi.gov.ba) i u prostorijama Ministarstva na adresi Hamdije Čemerlića broj 2, Sarajevo. Prijave se mogu dostaviti lično ili putem preporučene pošte na adresu:

**Federalno ministarstvo raseljenih osoba i izbjeglica
Hamdije Čemerlića broj 2.
71000 Sarajevo**

sa naznakom: Prijava na „Javni poziv izbjeglicama iz Bosne i Hercegovine, raseljenim licima i povratnicima u Bosni i Hercegovini za obnovu i rekonstrukciju stambenih jedinica za period 2026. i 2027. godine“.

Na poledini koverta **obavezno** je naznačiti ime i prezime podnosioca prijave, tačnu adresu i kontakt telefon.

**Rok za dostavljanje prijava sa potrebnom dokumentacijom je 25.12. 2025. godine.
Prijave poslane izvan predviđenog roka, neće se uzeti u razmatranje.**

Dodatne informacije mogu se dobiti putem telefona na broj 033/294-151 ili putem e-mail adrese: kabinet@fmroi.gov.ba.

Napomena: Prijave/molbe/zahtjevi potencijalnih korisnika, koji se nalaze na utvrđenim konačnim rang listama iz 2023. godine, smatrat će se nevažećim, objavljivanjem konačne rang liste po ovom Javnom pozivu.

MINISTAR

Nerin Dizdar

Sarajevo, 14.11.2025. godine